

Dát manus galgá geavahuvvot ovttas PowerPoint-ovdanbuktimiin *Boađe johtui Facebookain*.

Čuoggáid nummarat leat seamma go PowerPointas. Čuokkis 1 gullá vuosttáš siidui (siidu 1)

PowerPointas,

Čuokkis 2 2. Siidui 2 jnv. Seamma mánusa gávnnat don maddái notáhtan juohke siiddu vuolde.

Buoiddesbustávva čállosat leat kommentárat kursadoallái. Čállosat STUORA BUSTÁVAIGUIN leat bajilčállagat. Teavstta muđui sáhtta lohkat jitnosit dahje geavahit bagadussan dasa maid kursadoalli galgá lohkat go oahpaha.

Manus

1. **Mana oahppomihttomeriid čađa kursaoasseváldiiguin ovdal go álggahat ieš oahpahusa. Dát dahká álkibun sidjiide oahppat ja muitit maid leat oahppan.**

FACEBOOK – ráhkat profiila ja oahpásmuva bálvalusain

Oahppomihtut:

- Máhttit facebookii logget sisa ja eret
- Dovdat Persovdnasuodjalusa, sihkarvuodáválljemiid ja movt daid rievdata
- Diehtit mii áigelinnjá lea
- Dovdat fállolinnjá funkšuvnnaid ja ikonaid
- Máhttit ohcat skihpáriid, joavkkuid ja ja sullasaččaid
- Máhttit skihpáriid bidjat skibirlistui
- Máhttit čuovvut joavkkuid, fitnodagaid ja sullasaččaid
- Liikot, kommenteret ja juogadit artihkkaliid ja govaid
- Ságastallat eará geavaheaddjiiguin

2. MII LEA FACEBOOKA?

3. Facebook lea sosiála fierpmádatbálvalus.

Dát mearkaša ahte lea neahttaservodat maid sáhtta atnit gulahallat earáiguin.

Manus KOM I GANG MED FACEBOOK

Jus galggat sáhttit geavahit Facebooka de ferte dus leat profiila. Go dus lea profiila de sáhtát váldit oktavuoda earáiguin, juogadit govaid, videoid, ođasáššiid, jurdagiid earáiguin geain lea Facebook-profiila. Muhtun Facebook siidduid sáhtát don oaidnit vaikko ii leatge sierra profiila, muhto don it sáhte čállit kommentáraid, juogadit ja eará dinggaid man birra mii galgat oahppat dán kurssas.

Muhtumat atnet Facebooka doallat oktavuoda boares skihpáriiguin ja bearrašiin. Olu astoáiggejoavkkut, ovttastusat ja searvvit atnet Facebooka organiseret iežaset ja sáddet dieđuid miellahtuide ja olu fitnodagat ja organisašuvnnat atnet Facebooka gulahallat kundariiguin ja geavaheddjiiguin.

Movt don háliidat geavahit Facebooka, ja masa, lea áibbas du duohken. Don sáhtát válljet juogadit olu, dahje it maidege. Don it DÁRBBAŠ bidjat govaid dahje teavsttaid Facebookii jus it leat miella, oallugiin lea profiila dušše danne go háliidit čuovvut mii dáhpáhuvá. Dat lea áibbas ortnegis.

Gávdnojit maddái heivehanválljemat Facebookas mat diktet du mearridit geainna don háliidat oktavuoda, geat besset oaidnit govaid ja filmmaid maid don almmuhat ja man olu persovnnlaš dieđuid earát sáhttet lohkat du birra.

Jus goassege mearridat ahte it šat háliit leat Facebookas de sáhtát maddái sihkkut iežat profiilla. Mii áigut hupmat sihke dan ja persovdnasuodjalusa ja sihkarvuodáválljemiid birra mannel.

Juste dego e-poastakonttuin sáhtát don válljet geavahit Facebooka iežat neahttalohkkis dahje viežžat áppa/prográmma jus dus lea fiehttotelefovna dahje dihtorduolbbus. Goappašagat doibmet lihka bures, ja dán kursii ii leat mearkkaš maidege maid don válljet, muhto dávjá lea álkimus geavahit áppa jus don geavahat fiehttotelefovna dahje dihtordulbosa. Ceahkit ja čilgehusat maid mii mannat čađa dáppe gustojit guđe teknikkalaš veahkkeneavvut dál geavaheaččat, muhto muhtumin sáhttet govat mat ihtet du šerbmii leat veahá earáláganat. Dalle lea dušše jearrat jus leat eahpesihkar maid galggat dahkat dahje

Manus

KOM I GANG MED FACEBOOK

deaddilit. Dakkár dáhpáhusain main lea unnán vealla das maid oainnát neahttalohkkis dahje áppas lea govva maid mun čájehan šearpmas váldon neahttalohkkis dahje dihtoris.

4. RÁHKAT PROFIILA

Ráhkadit profiilla dahje geavaheaddji Facebookas lea juoga maid dárbbasat dahkat dušše oktii, ja ii leat danne nu várálaš ahte it muitte buot dan vuosttaš oasis bajil oaivve. Dat mii lea dehálaš lea ahte don čuovut bagadusaid mat bohtet šerbmii dađistaga ja ahte don jearat jus lea mihkkege maid it ipmir. Ale bala jus dat maid don oainnát šearpmas ii leat álo áibbas ovttalágan dainna maid mun čájehan dán ovdanbuktimis. Facebook ja eará bálvalusaid hápmi rievddada čađat, muhto vuodđoelemeanttat leat dat seamma. Dat mii lea dehálaš , ja dan don oahpat dađistaga go šattat hárijánan geavaheaddjin.

Ovdal go manat viidáseappot fertet váruhit ahte buot kursaoasseváldit leat časkan ala dihtora dahje dihtordulbosa, ja rahpan áppagávppi.

5. Ovdal go álggahat Facebook-profiilla fertet mannat www.facebook.no:i dahje viežžat Facebook-áppa iežat áppagávppis (dát doaibmá dušše dihtorduolbbus- ja fiehttotelefoneavaheddjiin).

Dáhto buot oasseváldiid čállit dreassa dreassafeltii ja mannat siidui, dahje viežžat áppa.

6. Jus leat čállán rievttis dreassa de boađat dán siidui. Jus vieččat áppa fertet gávdnat dán iežat telefavnas ja rahpat dan.

7. Facebook-konto dárbbasat ráhkadit dušše OKTII. Geahččal danne čuovvut lávkkiid ceahkis ceahkkái, go mii čađahit daid. Ale headástuva jus dovddat ahte don it boađe muitit buot. Jus šattat eahpesihkar dahje lea juoga maid it máhte, dajat ovttat manu, ja mun veahkehan du.

Váruht ahte buohkat leat bohtán rievttis siidui dahje viežžan áppa.

Manus KOM I GANG MED FACEBOOK

8. Sii geat geavahit neahttalohkki fertejit deavdit buot dieđuid mat jerrojuvvojit "Registrer deg" (registrere iežat) vuolde.

Sii geat geavahit áppa deaddilit dakko gokko čuožžu "Opprett ny Facebook-konto" (Ráhkát ođđa Facebook-kontu), ja čuovo lávkkiid mat ilbmet.

Vuordde mannamis viidáseappot dassáži go buohkat leat deavdán dárbblaš dieđuid.

9. Go leat deavdán buot dieđuid deaddilat don boalu mas čuožžu "Registrer deg" (Registrere iežat).
10. Soapmásiin sevnjoda dál siidu, ja ihtá unna diehtoruvttoš mas Facebook jearrá sáhttet gos čájehit dutnje váruhusaid. Dát mearkaša ahte "čuojiheasta" dahje iđista diehtu šerbmii juohke háve go lea dáhpáhuvván juoga du Facebook-konttus.
11. Jus háliidat dakkár váruhusaid sáhtát don deaddilit "Tillat" (Mieđan). Jus háliidat garvit de deaddilat don "Blokker" (Cakka). Jus don it leat vel sihkar maid don háliidat de deaddilat ruossa bajimusas olgeš ravddas ja baicca mearridat dan go leat šaddan eanet hárjánan Facebook-geavaheaddji.

Dáhto buohkaid geat ožžot dakkár dieđu válljet, de joatkkát fas viidáseappot boahhte čuovgagovvii.

12. Facebook fállá dál dutnje veahki gávdnat skihpáriid du e-poastaoktavuođaid čađamannama bokte. Muhto don sáhtát maidái ieš ohcat sin geaiguin háliidat oktavuođa.
13. Danne guođdit dán ceahki ja deaddilit baicca "Neste"-boalu (Boahhte-boalu) vuolimusas olgeš bealde.
14. De deaddilat "Hopp over trinn" (Guođe ceahki).

15. Dát siidu iđista dalle.

Vai gergehat fertet don dál mannat iežat e-poastakontui. Facebook lea oainnat sádden dutnje e-poastta mas galggat duođaštit ahte don leat dát geanin logat iežat leat. E-poasta sáddejuvvo dan e-poostaadressii maid don čállet eske go registrerejedjet iežat.

Siđa buohkaid mannat iežas e-poastakontui ja geahččat leatgo ožžon e-poastta Facebookas.

**16. Veahket sin geat ieža eai gávna Facebooka e-poastta iežaset e-poastakonttus.
Muhtumiin sáhtá leat geavvan nu ahte lea mannan doapparpostii.**

Facebooka diehtu lea sullii dákkár.

17. Deaddil boalu mas čuožžu "Bekreft brukerkontoen" (Duođaš geavaheaddjekontu).

18. De galgá dát siidu ja dát diehtu iđistit du šerbmii.

19. Deaddil ok.

20. Jus ihtá siidu mii lea dán sullasaš, de mearkkaša dat ahte don dál leat ráhkadan Facebook-kontu.

Dat soaitá orrot veaháš guoros eará Facebook-siidduid ektui maid don leat oaidnán ovdal, muhto dat lea danne go du siidu lea ođas. Dat ii leat vel devdon sisdoaluin. Dat dáhpáhuvvá dađistaga, muhto ovdal go mii joavdat nu guhkás fertet mii hupmat veahá Persovdnasuodjalusa ja sihkarvuoda birra.

21. PERSOVDNASUODJALUS JA SIHKARVUOHTA

22. Facebookas sáhtát don välljet maid dus lea miella juogadit earáiguin geaiguin don háliidat leat skibir ja geat besset geahččat ahte dus lea Facebook-profiila. Muhtumat välljejit hirbmat rabas profiilla, ja eará välljejit fas gaskamuddosaš profiilla ja háliidit juogadit veaháš.

Sáhtát gáhtat ja manñil jus háliidat šaddat unnit ja eanet priváhta.

23. Dát siidu berre ain leat badjin din šearpmain.

24. Bajimusas siiddus oainnát don Facebooka fállolinnjá. Jus geavahat áppa galgá linnjá leat juhkkon bajimussii ja vuolimussii šearpmas.

25. Jus geavahat neahttalohkki oainnát olgeš bealde fállolinnjá mas lea unna monnilásaža govva mas leat muhtun sárgát bálddas.

Deaddil dan.

Sis geat geavahit dihtordulbosa lea fállolinnjá mas leat golbma vealu sárgá muhtun sajis šearpmas. Gávna dan ja deaddil dan.

26. Áppa-geavaheaddjit ožžot guhkes listtu mas lea fálloválljemat. Scrolle/jorat gosii vuolimussii das ja čále gávna fálu "Snarveier for personvern" (Persovdnasuodjalusa jođánisgeainnut). Deaddil dán välljema.

27. Dál iđista unna fáloš.

Dáhkít ahte buohkat oidnet dan.

28. Dat vuosttaš välljen mii ihtá lea "Hvem kan se tingene mine?" (Geat oidnet mu dinggaid). Deaddil njuola mii čujuha vulos vai sáhtát geahččat eambbo.

Manus KOM I GANG MED FACEBOOK

29. Dál ihtá vuollefállu. Bajimusas čuožžu "Hvem kan se de fremtidige innleggene mine?" (Geat besset oaidnit mu boahttevaš ovdanbuktimiid) ja boalus vulobealde čuožžu "Venner" (Skihpárat).

30. "Skihpárat" facebookas mearkkaša olbmot geaiguin don leat miehtan doallat oktavuoda, . Soapmása gean don leat ohcan ja geas leat jearran galgabeahtti go leat skihpáraččat ja geat leat miehtan dasa (dan birra galgat mii oahppat maŋjel), dahje sii leat ohcan du ja bivdán dus šaddat skihpáraččat duinna ja don leat miehtan dasa.

Dassáziit leat don laktán ovttage olbmá Facebookas, de jus divttát válljemiid čuožžut nugo leat dál de besset du boahttevaš olbmát oaidnit govaid, kommentáraid, ođasáššiid ja eará maid don válljet juogadit Facebookas.

Jus deaddilat "Venner"-boalu (Skibir-boalu) de oainnát don ahte ihtet olu válljenvejolašvuodat. "Almmolaš" mearkkaša ahte buot Facebookgeavaheaddjit oidnet maid don juogadat, ja "Bare meg" (Dušše mun) mearkkaša ahte leat dušše don gii beasat oaidnit dan. Jus áiggut molsut ovttá dain válljemiin deaddilat don dušše dan maid háliidat lonuhit. Dábálemos lea juogadit olbmáiguin, muhto jus don háliidat eará válljema de sáhtát don diehttelas válljet dan. Don sáhtát maiddái máhccat maŋgil ja rievdadit sihkarvuoda- ja persovnaválljemiid jus dan háliidat.

31. Deaddil fas njuola de govččat dán oasi fálu.

32. Boahte čuokkis lea "Gii sáhtta muinna váldit oktavuoda?" Deaddil njuola dán čuoggá olgeš bealde de oainnát fálu.

33. Dás čuožžu ahte buohkat geat geavahit Facebooka sáhttet jearrat bessetgo leat du skihpárat jus sii áigot. Dat lea dábálemos fálloválljen. Dat ii mearkkaš ahte buot dat miljovnnat geat geavahit Facebooka bohtet vuorjat du leat sin skibirin. Dat mearkkaša dušše ahte sii geat ohcet du nama Facebookas besset oaidnit ahte don leat Facebookas ja ahte sii sáhttet jearrat šaddat du skibirin. Eanas lea sáhka olbmuiin geaid don dovddat ovdalaččas. Jus oaččut skibirjearaldaga muhtumis geasa it háliit lohkat juo de vástidat

Manus KOM I GANG MED FACEBOOK

dušše "Ignorer" (hilggo) go dat boahtá. Son gii lea sádden dutnje skibirjearaldaga ii oaččo dieđu jus don válljet hilgut jearaldaga.

Jus it hállit ahte buohkain galgá leat vejolašvuohta váldit oktavuoda duinna lea molssaeaktu ahte dušše skihpárat besset. Dát mearkkaša ahte dušše sii geat leat Facebook-skihpárat soapmásiin gii lea du Facebook-skibir besset sáddet dutnje jearaldaga šaddat olbmážagat. Jus don háliidat dán fálloválljema deaddilat don boalu mas čuožžu "Alle" (Buohkat) ja deaddilat dan nuppi molssaeavttu mii ihtá listui.

34. Deaddil fas njuola de čiegat dán oasi fálus.

35. Vuolimus čuoggá namma lea "Hvordan får jeg noen til å slutte å plage meg?" (Movt oaččun soapmása heaitit givssideamis mu).

Jus don goassege vásihat ahte soames geainna don it háliit oktavuoda givssida du Facebookas de lea juonalaš diehtit dán čuoggá. Eanemus jáhkehahtti lea ahte don it dárbbas geavahit dan.

Deaddil njuola.

36. Dán fealttas sáhtát don čállit dan olbmo nama dahje e-poastaadreassa geainna it šat háliit oktavuoda. Dát gohčoduvvo "caggat" olbmo. Muhto nugo dadjen lea it várra dárbbas goassege dahkat dan.

37. OHCAT JA LAKTIT SKIHPÁRIID

38. Eanas olbmot geavahit Facebooka doallat oktavuoda, juogadit govaid, ođasáššiid eará dinggaid skihpáriiguin ja oahppásiiguin. Don fertet bidjat sin skibirlistui jus galggat sáhttit doallat oktavuoda singuin.

39. Jus áiggut gávdnat iežat olbmáid Facebookas de fertet ohcat sin. Eatnasat geavahit iežaset nama ja profiilagova vai lea álki dovdan sin. Ohcanfealтта gávnnat don bajimusas

Manus KOM I GANG MED FACEBOOK

siiddus dahje áppas. Das lea stuoridanlásegovva. Deaddil ohcanfealtta ja čálligoađe olbmo nama gean leat ohcame.

40. Facebook buktá evttohusaid gean don leat ohcame. Dat ilbmet listtus vulobealde fealtta mas don čálát. Jus olbmás ii leat geavaheaddjekonttu Facebookas de it gávna su.

Go oainnát rievttis olbmo de deaddilat su nama.

41. De boadát dan olbmo Facebook-siidui, dahje "profiilli". Profiilla gohčodit dávjá "seaidnin" dahje "áigelinnján". Mii áigut háleštit eambo dan birra mii lea áigelinnjá ja movt dan sáhtta geavahit maŋŋel.

42. Don fertet deaddilit boalu "Legg til venn" (Lavtte skihpára) go galggat laktit skihpáriid skibirlistui.

Boalu gávnna don bajimusas siiddus. Das lea uhca olbmoža govva ja plussa mearka.

43. De sáddejuvvo skibirjearaldat olmui ja son sáhtta válljet dohkkehit dahje hilgut du jearaldaga leat olmmái Facebookas. Earát sáhttet maiddái sáddet dakkár jearaldaga dutnje.

Don sáhtta maiddái válljet háliidat go oktavuoda soapmásiin dahje it. Gos skibirjearaldagat ilbmet galgat mii geahččat maŋŋel.

44. Sáhtta maiddái ocat fitnodagaid, doaimmahusaid dahje ásašusaid, klubbaid servviid ja olu eambo Facebookas. Dat dagat seamma láhkái go ozat olbmáid. Álgge čállit dan mana maid leat ohcame ohcanfealttas.

45. Dávjá it sáhte šaddat skibirin ásašusaiguin muhto don sáhtta válljet "liikot". Dan don dagat go deaddilat boalu mas čuožžu "liker" (Liikon) mas lea bealguheami govva.

46. Sáhtát liikot iešguđetlágan organisašuvnnaid ja olbmuid. Go don liikot daid de don oainnát go sii bidjet ovdamearkka dihte ođasáššiid, govaid, videooasáziid ja sullasaččaid. Dus sáhttet leat nu olu dakkár oktavuodát go háliidat Facebookas. Muhtumiin leat olu olbmát ja "liikojit" olu, muhtumiin leat dušše lagas bearaš dahje bargoskihpárat.

Dáhto buohkaid ohcat ohcanfealltas ja gávdnat unnimusat ovtta skihpára, bearašlahtu dahje soames eará, ja geahččalit sáddet skibirjearaldaga dahje liikot su. Dát sáhttá ádjánit. Váruht ahte buohkat ožžot dan veahki maid dárbbasit, divtte sin áinnas veahkehit guhtet guimmiideaset. Geardduhehpet áinnas dán oasi oahpahasas oktii vel ja buohkat čuvvot lávkkis lávkái. Evttot áinnas ahte sii ohcet suohkana siidduid, dan báikkálaš girjerádjosa dahje sullasačča.

47. MII LEA ÁIGELINNJÁ?

48. Buot olbmui ja fitnodagain ja eará Facebook-geavaheddjiin lea áigelinnjá, Áigelinnjá doaibmá profiilan sidjiide geaidda guoská. Das oaččut veahá dieđuid olbmo dahje ásahusa birra, ja oainnát áššiid maid sii háliidit juogadit earáiguin Facebookas. Man olu beasat oaidnit lea sorjavaš das leahppi go olbmážagat dahje eahppi ja guđet persovdnasuodjalusválljemat leat geavahuvvon. Muhtumat välljejit juogadit olu, earát fas unnán.

49. Jus deaddilat iežat nama fállolinnjás de oainnát iežat áigelinnjá. Jus dus ii lean Facebook-profiila ovdalaččas de ii leat das olu vuos, muhto dađistaga sáhtát don bidjat govaid, liŋkkaid lohkašša dahje somás videoid dohko, jus háliidat. Don sáhtát maiddái bidjat eambo dieđuid ja gova alddát jus háliidat

Jus geavahat áppa fertet don oktii vel deaddilit fállolikkona. Bajimussas listtus mii idista lea du namma, deaddil dan boahit iežat áigelinnjái.

50. Jus don manat soapmása áigelinnjái gean leat bidjan olmmájin dahje "likon", de sáhtát oaidnit maid sii leat bidjan iežaset áigelinnjái. Oza su gean áigelinnjá háliidat oaidnit ohcanfealltas ja deaddil sin nama. Scrolle/jorat vulos áigelinnjá oaidnit eambo.

51. Don sáhtát maiddá čállit juoidá eará geavaheddiid áigelinnjái jus háliidat. Dalle geavahat don fealtta mas čuožžu "skriv noe..." (Čále juoidá...), muhto muite ahte buot maid don čálát áigelinnjái sáhttet earát geain lea oktavuoha dainna olbmui oaidnit. Dát II leat sadji gos sáddet priváhta dieđuid. Jus háliidat sáddet dieđuid dahje eará maid dušše OKTA du skihpáriin galgá oaidnit de ferte álggahit "chatta" (neahttačálašeami).

52. ČÁLAŠIT MESSENGERIIN

53. Jus áiggut sáddet dieđu dušše okta dihto Facebook-skihpár galgá oaidnit de ferte don čálašit (chattet) singuin nehtas. Neahttačálašepmi (chatten) lea meastá dego sáddet SMS:a, ja dus lea buoret kontrollera geat besset oaidnit maid don čálát go jus don válljet čállit sin áigelinnjái.

Go áiggut čálašit nehtas muhtun olbmáin de manat don su Facebook-áigelinnjái ja gávnnat boalus mas čuožžu "Melding" (diehtu) ja hupmanbulljarasa govva. Deaddil boalu álggahit čálašeami (chatta).

Jus don geavahat Facebook-áppa fiehttotelefovnnas ja dihtordulbosis ja itge leat čálašan nehtas (chatten) ovdal de oaččut don dieđu ahte fertet viežžat áppa man namma lea "Messenger". Fiehttotelefovnnas ja dihtordulbosis ferte dus leat dát prográmma jus galggat sáhtti čálašit nehtas (chattet) Facebookas.

Vuordde dassáži buohkat geat dárbbášit viežžat Messengera leat dahkan dan ovdal go joatkkát.

54. Jus geavahat neahttalohkki rahppojuvvo neahttačálašepmi (chatta) smávva ruvttžis vuolimusas olgeš bealde sierra govvas. Jus geavahat áppa de rahppojuvvo neahttačálašepmi (chatta) eará áppas man namma lea "Messenger". Dát dáhpáhuvvá automáhtalaččat ja ruvttto gokčá olles šearpma.

55. Chatten (Neahttačálašepmi) čájeha buot dieđuid mat mannet du ja su gaskkas geainna čálašat (chattet). Dat maid don sáddet ihtá olgeš bealde, ja dat maid du skibir čállá fas gurut bealde.

Go galggat čállit dieđu de deaddilat don vilges fealtta vuolimusas čálašeamis (chattas) mas čuožžu "Skriv en melding..." (čále dieđu).

56. Go leat čállán maid háliidat de deaddilat don "Enter" boallobevvdis sáddet dieđu.

57. Jus geavahat áppa de deaddilat don njuola gova dahje smávva bábergirdi mii lea ihtán dan gurrii maid don leat čállán.

58. Bealguheapmi "like (liikon) lea symbola mii geavahuvvo olu Facebookas, dat sáhtá mearkkašit ahte don liikot juoidá, dahje ahte don leat ovttamielalaš dahje leat ipmirdan maid soames lea lohkan. Don sáhtát maddái atnit symbola neahttačálašeamis (chattas). Dan gávnnat don vuolimusas olgeš bealde.

59. Dađistaga sáhtát don geahččalit laktit govaid , emojiid (mojunjálmmiid) dahje dokumeanttaid neahttačálašepmái (chattii), muhto dan mii eat áiggo guoskkahit dán kurssas. Geahččalatta soapmásiin gean dovddat gii máhtá veahá Facebooka birra, dahje hárjehala soapmásiin gii lea dás kurssas odne.

60. Sáhtá maddái leat buorre diehtit ahte sáhtá laktit eanet olbmuid neahttačálašepmái (chattii), rahpat videoságastallama, geavahit neahttačálašeami ringet ja eambbo. Geavat daid symbolaid maid oainnát dás iskat daid vejolašvuodaid. Buot symbolaid gávdnojit sis geat geavahit dihtordulbosa ja fiehttotelefovna, ja dain lea áibbas ovttalágan hápmi, muhto leat veahá eará sajis njeallječiegagis.

61. LIIKOT, KOMMENTERET JA JUOGADIT

Manus KOM I GANG MED FACEBOOK

62. Facebook láchčá maiddá vejolašvuoda ahte don sáhtát dieđuid addit maŋás ja juogadit govaid, kommentáraid, artihkkaliid ja eará dinggaid maid du skihpárat, fitnodagat, kommersiála aktevrrat ja eará leat bidjan Facebookii.
63. Daid funkšuvnnaid gávnnaš don vulobealde, dahje muhtun dáhpáhusain gova, kommentára dahje artihkkala guoras. Daid namat leat "Liker" (Liikon), "Kommenter" (kommentere) ja "Del" (Juogat) ja dain leat symbolat maid lea álki dovdat. Don sáhtát válljet geavahit ovttá dahje mánggaid dain funkšuvnnain go don oainnát juoga masa lea miella reageret vai earát geavaheaddjit oidnet dan.
64. "Liker"-funkšuvdna (Liikon) lea jođánis vuohki addit dieđu ruovttoluotta sáddejeaddjái. Dat lea dego giehta mas lea bealgi ceaggut.
65. Jus don anát dihtora doalat don sáhpánčujuheaddji "Liker" (Liikon) boalu badjel, de ihtet dat iešguđetlágan ikonat. Dihtordulbosis ja fiehttotelefovnnas bijat don suorpmá liker ala ja deaddilat dassážii go ikonat oidnojit.

De čujuhat dahje deaddilat don dan symbola mii dovddaha dan reakšuvnna maid don háliidat čájehit dasa mii lea juogaduvvon, Don sáhtát válljet gaskal "tommel opp", (bealgguheapmi) "hjerte" (váibmu) "latter" (čuibman), "overraskelse/sjokk" (suorganan/hirpmástuvvan), "trist" (váivašuvvan) dahje "forarget/sint/provosert" (nivssihan/suhttan/hárdašuvvan).

Dábáleamos eatnasiidda lea atnit bealgguheami. Geavahit daid ikonaid gohčoduvvo "like" [/'laɪke/] (liikot) gova, artihkkala dahje kommentára.

66. Sáhtát maidái čállit iežat kommentáraid govaide, ovdanbuktimiidda ja earái mat lea bidjjuvvon Facebookii.

Jus áiggut kommenteret deaddil boalu mas čuožžu "Kommenter" (kommentere) dahje...

67. ... deaddil dan fealtta mas čuožžu "Skriv en kommentar" (čále kommentára).

68. Čále iežat kommentára. Jus geavahat orruđihtora dahje askedihtora ja deaddilat don entera de loahpahat kommentára ja almmuhait dan. De dat iđista govva dahje ovdanbuktin vulobeallái dan maid don leat välljen kommenteret.
69. Jus geavahat dihtordulbosa dahje fiehttotelefovna de deaddilat ikona mii lea dego njuolla dahje bábergirdi go áiggut almmuhit dan (dát symbola lea dat seamma mii geavahuvvo go čálašat neahtas (chattet).
70. Don sáhtát maddái välljet juogadit gova dahje ovdanbuktosa maid earát leat almmuhan. Deaddil "Del"-boalu (juogadan-boalu) dahkat dan.
71. De ihtet golbma molssaeavttu. Mii galgat geahčadit buohkaid dál.
72. Jus välljet molssaeavttu "Del nå (Venner)" (Juogat dál (skihpárat)) de iđista govva dahje ovdabuktin du Facebook-áigelinnjái vai du olbmát besset oaidnit dan doppe.
73. Jus deaddilat nuppi molssaeavttu "Del..." (juogat) de ihtá ođđa njeallječiegat.
74. Dás oaččut vejolašvuođa čállit juoidá feltii "Si noe om dette ..." (Daja juoidá dan birra).
75. Jus don deaddilat "Publiser"-boalu (almmut boalu) de manná ovdanbuktin ja kommentára maid don leat čállán du Facebook-áigelinnjái.
76. Jus háliidat bidjat gova soapmása eará siidui go iežat de sáhtát dahkat dan go deaddilat vulosgáikunfálu bajimusas ruvttos mas čuožžu "Del på din egen tidslinje" (juogat iežat áigelinnjás). De oaččut don mánga juogadanvejolašvuođa.
77. Don sáhtát välljet juogadit skihpára dahje joavkku dahje lágideami áigelinnjás. Deaddil molssaeavttu maid háliidat. Dán ovdamearkkas välljet mii juogadit ovttá skihpára áigelinnjás.

Manus KOM I GANG MED FACEBOOK

78. Ruvtto mii ihtá lea measta seammalágan sorjavaš guđe molssaeavttu válljet. Álggus jearrá dus nama olbmás geainna, joavkkus dahje lágideamis mainna don háliidat juogadit. Čále dan dan nammafeltii. Don sáhtát čállit olu namaid jus háliidat.
79. Maiddái dás sáhtát don válljet čállit diđoža dahje kommentára ovdal go juogadat.
80. Go leat laktán buot vuostáiváldiid geaid háliidat ja vejolaččat čállán kommentára de sáhtát deaddilit "Publiser" (almmut).
81. Maŋemus molssaeaktu maid sáhtát válljet lea "Send som melding" (Sádde diehtun). Go deaddilat dan de ihtá ruvttu mii sulastahtá dan masa boadát go áiggut juogadit áigelinnjás, joavkkus dahje sullasaččas. Go deaddilat "Publiser" Almmut de ihtá diehtu, ovdanbuktin dahje govva dan chat-ruvttos (juste dego dábálaš čálašeamis (chattas)). Sisdoalu oaidná/oidnet dušše son/sii geainna/geaiguin don válljet juogadit dan. Dáppe sáhttet sii sáddet dieđuid ruovttoluotta dan birra maid don leat juogadan dan ja dii sáhttibehtet joatkit ságastallama dego dábálaš čálašeami neahtas (chatta).
82. OAHPÁSMUVA EANET FÁLLOLINNJÁI
83. Facebook fállolinnjá lea dat linnjá bajimusas šearpmas. Dat lea alit go geavahat Facebooka dihtoris, muhto sáhtá leat veahá earálágan go geavahat Facebook-áppa dihtordulbosis dahje fiehttotelefovnnas.
84. Muhtun sajiin lea fállolinnjá juhkkuojuvvon nu ahte muhtun funkšuvnnat oidnojit bajimusas ja muhtumat vuolimusas govas. Eanas ja deháleamos funkšuvnnat leat olámuttus beroškeahtá geavahat go neahttalohkki dahje áppa, vaikko leatge veahá unnit välljenvajolašvuodát go geavahat áppa.
85. Ohcanfealtta dovdat mii ovddežis, dat lea dás gos ozat skihpáriid, joavkkuid, lágidemiid jna.

Manus KOM I GANG MED FACEBOOK

86. Olgeš bealde fállolinnjás mii ihtá dihtormásiidna-geavaheddjiin gávdnat mii golbma fálu maid válljet. Mii áigut geahččat daid lagabuidda ja geahččat gos mii gávdnat daid áppas maddái.
87. Vuosttaš fálloválljen čájeha profiilagova ja du nama. Go deaddilat dan de boadát ovttat mánu iežat seaidnái/áigelinnjái.
88. Don gávnnat fálloválljema áppas go deaddilat fállosymbola (golbma vealu linnjá). De idista guhkes listu mii čájeha olu mii álo lea oinnolaš go geavahat Facebooka neahttalohkki bokte muhto mii lea váldojuvvon eret ráhkadan dihte buoret saji go geavaha áppa fiehttotelefovnnas ja neahttadulbasis.
89. De idista guhkes listu mii čájeha olu mii álo lea oinnolaš go geavahat Facebooka neahttalohkki bokte muhto mii lea váldojuvvon eret ráhkadan dihte buoret saji go geavaha áppa fiehttotelefovnnas ja neahttadulbasis.
90. Bajimusas fállolinnjás oidno du profiilagovva ja du namma. Deaddil dan mannat iežat áigelinnjái.
91. Manjás neahttalohkkái.
- Jus deaddilat dokko gokko čuožžu "Hjem" (ruoktot) de boadát ođasbajilgovvii. Dat lea dat seamma mii ihtá go don manat sisa Facebookii, ja dat rievddada čađat čájehan dihte dutnje maid du olbmát, searvvit ja organisašuvnnat juogadit ja kommenterejit, almmuhit, ođđasiid ja sullasaččaid.
- Áppas oidno dát funkšuvdna ikonon. Unna šearpmaža govva. Go deaddilat dan de boadát ođasbajilgovvii.
92. Funkšuvdna "Finn venner" (gávnna skihpáriid) gávdno dušše neahttalohkkis. Go deaddilat dan de bohtá listu Facebook geavaheddjiin geaid Facebook jáhkká don dovddat. Jus háliidat de sáhtát laktit olbmuid dán listtus iežat Facebook-skibirin. Don it

dárbbáš atnit dán funkšuvnna, ohcat skihpáriid ohcanfealttas ja laktit sin doaibmá lihka bures. "Gávnna skihpáriid"-funkšuvdna ii ilmma Facebook-áppas, dáppe fertet ohcat manuálalaččat.

93. Dat boahtte golbma fálloválljema maid mii galgat geahččat leat: "Venneforespørsler" (skibirjearaldagat), "Meldinger" (Dieđut) ja "Varsler" (Várrehusat).

94. Dat funkšuvnnat leat dušše merkejuvvon ikonaiguin. Go don geavahat neahttalohkki leat dat bálddalaga fállolinnjás ja dain lea čáhppesalit ivdni. Áppas lea ikonat dat seamma, muhto leat do dat bajimusas dahje vuolimusas govas lea sorjavaš das geavahat go fiehttotelefovna dahje dihtordulbosa.

Earenoamáš dain golbmasis lea ahte ihtá logoš rukses njeallječiegagii ikona bálddas juohke háve go lea dáhpáhuvvan juoga ođas dan šlájás – dávjá boahtá maddái jietna juste dego livččet oažžume teakstadieđu iežat telefovnii.

95. Vuosttaš šládja maid mii áigut geahččat lea "Venneforespørsler" (Skibirjearaldagat). Go soames jearrá dus áiggut go leat su skibir, dahje jus skibirjearaldaga maid don leat sádden soames earái lea dohkkehuvvon, de ihtá rukses njeallječiegat dasa.

96. Go soames jearrá leat du olmmái, dahje jus olmmáijearaldat maid don leat sádden soames earái lea dohkkehuvvon, de ihtá lohku rukses njeallječiegagii dasa. Go deaddilat ikona de ihtá listu mii čájeha mii lea dáhpáhuvvan ja addá dutnje vejolašvuoda dohkkehit dahje hilgut skibirjearaldaga.

97. Boahtte šládja lea "Dieđut".

98. Maddái dás ihtá rukses njeallječiegat jus lea dáhpáhuvvan juoga dán ovddit háve rájes.

99. Jus deaddilat ikona de ihtá listu ságastallamiin mat dus maŋemus leat leamaš, ođđasepmosat ihtet bajimussii. Deaddil ovttá dain ságastallamiin ja joatkke dan, de rahpasa čálašanruvttto (cahttenruvttto).

Manus KOM I GANG MED FACEBOOK

100. Dat mañemus ikona lea "Várrehusat", mii raportere earálágan dinggaid mat dáhpáhuvet Facebookas ja gusket dutnje. Dát sáhttá leat sáhka bovdejumis searvat lágideapmái dahje jovkui, diehtu ahte soames lea bidjan juoidá du áigelinnjái dahje kommenteren juoidá du áigelinnjás dahje diehtu ahte soapmáis gean don dovddat lea riegeádanbeaivi ja olu eará áššit.
101. Juste nugo dan guovtti eará šlájás iđista lohku rukses njeallječiegagii go leat ođđa várrehusat dutnje.
102. Deaddil ikona geahččat listtu mii lea dáhpáhuvan. Go deaddilat ovttá čuoggá listtus de fievrreduvvot dan siidui gos lea dáhpáhuvan juoga.
103. Mañemus ikona fállolinnjás lea njuolla go geavahat Facebooka neahttalohkki bokte ja fállosymbola bokte mas leat golbma sárgá áppas.
104. Go deaddilat dan de oaččut guhkes listtu mas leat aktivitehtat maid son sáhtát dahkat Facebookas. Dáppe leat olu vejolašvuodát maid sáhtát iskat go leat šaddan eanet hárijánan geavaheaddji, muhto dat áidna fálloválljemat maid birra mii áigut hállat dan kurssas leat dan maid gohčodit "Hjelp" (veahkki) ja "Logg ut" (logge eret).
105. Vuolleleappos listtus gávnnat don fálloválljema "Hjelp" (veahkki). Go deaddilat dan de boadát Facebooka veahkkeguovddážii mas sáhtát oahppat eanet buot funkšuvnnaid, bálvalusaid, válljemiid, ja reporterenvejolašvuodaid birra maid bálvalus fállá. Sáhttá leat juonalaš álginsadji jus deaividat váttisvuodaid ja dilálašvuodaid main šattat eahpesihkar.
106. LOGGET SISA JA ERET
107. Vuolleleappos listtus ihtá fálloválljen "Logg ut" (logge eret). Sii geat geavahit áppa fiehttotelefovnas dahje dihtordulbasis fertejit scrollet/jorahit áibbas vulos listtus.

Manus KOM I GANG MED FACEBOOK

Go deaddilat dán válljema de logget eret Facebookas itge oaččo dieđuid ja váruhusaid ovdal go fas logget sisa. Jus don geavahat dihtordulbosa dahje fiehttotelefovna maid dušše don anát eanas áiggi ii leat dábálaš logget eret Facebookas. Eatnasiid mielas lea álki oažžut dieđu šearpmas ovttat manu go dáhpáhuvvá juoga dehálaš vai eai dárbbáš šat logge sisa ođđasit oažžut ođđaseamos dieđuid. Jus don geavahat dihtora, dihtordulbosa, dahje telefovna mas leat olu iešguđetlágan olbmot geavaheaddjit, de lea dehálaš logget eret vai ii oktage sáhte mannat du Facebookii ja dahkaluddat ahte sii leat don, molsut beassansáni dahje sullasačča. Earenoamáš dehálaš lea dat jus don geavahat dihtora mii gullá girjerádjosisii dahje eará almmolaš báikái.

Go deaddilat "Logg ut" (logge eret) de logget eret.

108. Go leat loggen eret de ilbmet dát govat šerbmii. Dii muitibehtet daid sihkkarit ovddežis go ráhkadeimmet profiillaid.
109. Jus háliidat fas logget sisa de fertet neahttalohkkis čállit iežat e-poastta dahje mobiilanummara ja beassansáni ovdal deaddilat "Logg inn"-boalu (Logge sisa boalu) bajimusas siiddus.

Jus geavahat áppa deaddilat don dušše nama dahje gova gasku šearpma.

110. Jus ii leat du govva dahje namma mii oidno de fertet deaddilit "Logg inn på en annen konto" (logge sisa eará kontui) ja deavdit iežat dieđuid juste dego sii geat geavahit neahttalohkki.

Go lehpet dahkan dan de lehpet fas siste Facebookas!

111. GEARGAN – BURES BARGOJUUVON BUOHKAT!

Dál sáhttibehtet hártjehallat:

- Logget sisa ja eret Facebookas
- Ohcat skihpáriid joavkkuid ja sullasaččaid
- Liikot joavkkuid ja fitnodagaid, nu ahte oaččot ođđaseamos dieđuid dan birra sii barget

Manus KOM I GANG MED FACEBOOK

- Jerrat oaččutgo bidjat muhtima du skibirlistui
- Liikot, kommentereet ja juogadit artihkkaliid ja govaid
- Čálašit nehtas (Chattet) eará geavaheaddjiiguin
- Geavahit fállolinnjá